

راية تتمنى
أغصد ابسيفك لوادي كربله
يا حبيب حسين دمك فدوة له
چفك اتعنى

واعدك حيدر علي تحظى بمنالك
وانته باقي تنتظر يمتى وصالك
للشهادة العين تربى و ارتحالك
تشوف جسمك بالدماء غاية جمالك

بالدماء عافر
منية آمالك تال المسأله
للولي ناصر
يا حبيب حسين دمك فدوة له

وانته حيران و تدير العين بهموم
وصّل الكلبك خبر خلاك ملجوم
حسين وصّل كربله و تحاوطه القوم
گمت تدعي بنفراجه من القيوم

تدعي يا ربي
للإمام المنظّم و العائله
منخطف قلبي
يا حبيب حسين دمك فدوة له

طارق اعلى الباب يطرق مدري قلبك
جيته تعثر بالنبض يا طول دربك
من وصلاته و شفته فارس زاد تعبك
شايلى ابئده رساله امن اليحبك

دعوة من مولاك
قباتها بالدموع الهامله
يطلبك ناداك
يا حبيب حسين دمك فدوة له

اتوجهت فرحان بيديك الرسالة
للطفوف و دمعتك بخدك تلاله
والتعب كلش سهل لجله ووصاله
بو علي السجّاد يا محلا جماله

من وصلت انتَ نوره عاينته
يا هلا نادى الولي ويا مسهلا يا حبيب حسين دمك فدوة له

سألمك راية عظيمة اشقد بهيه
رفرف ابها في طفوف الغاضريه
يوم عاشر من بدت ذبج الرزيه
گمت الى النصره ولا تخشى المنيه

سيفك ايلامع بالرقب قاطع
صارت ابغله الأرض متزلزله يا حبيب حسين دمك فدوة له

قدر الله تنذبح لجل الشريعة
ايصير جسمك سابح بموجة نجيعه
وشكثر قاسى الحسين بهالفجيعه
جاك يهمل دمع عينه والله ضيعه

وافي يا ناصر يا ابن ظاهر
هالعمل ربنا عسى يتقبله يا حبيب حسين دمك فدوة له

راية تمنى چفك اتعنى
اگصد ابسيفك لوادي كربله
يا حبيب حسين دمك فدوة له